


百家批註
足本大字

綱鑑易知錄



第一冊

上海廣益書局刊行



卷之二

竹村馬常山書畫堂

百葉林註
元本古本

綱

鑑

易

知

錄

序

予童年有志讀史。然至老究未嘗一卒讀者何也。蓋予性最拙。讀時不能遽解。待解移時輒忘。又識字甚少。時須考證。且少以足疾廢。六經諸子。無心涉獵。都邑山川。不一遊覽。縱有志讀史。亦猶聾者之無聞。盲者之無見。故讀未終篇。輒生厭倦。此予所以究未一卒讀也。雖然。予既有志讀史矣。而欲待博羣書。以悉其所聞。歷名山大川。以窮其見度。必不能。然則予將作如何讀法。而後可邪。常觀世之樂於讀史者。類多穎悟絕倫之士。一目數行俱下。一覽終身不忘。讀時不求甚解。會心在牝牡驪黃之外。故觀史不求其詳。論史必歸於雅。而若予之拙者。欲求讀史之法。甯簡無詳。甯陋毋雅。庶乎其心之邪。周子靜專。星若。予忘年友也。弱冠工舉子業。而尤邃史學。乙酉歲。攜其手輯綱目全編。以示予讀史之法。予遂與二子。復相編輯。不問祁寒暑雨者。殆六載。苦簡篇之冗漫。爲之摘要。而刪繁。慮大義之不明。爲之提綱。而絜領。典故則擿摭源流。詳箋細釋。不必腹具經笥。胸藏史鏡。而燎若指掌。輿地則遡厥沿革。援古證今。不必南浮北過。西至東漸。而宛如在目。分涇別渭。辨淄知繩。則圈殊星列。妍澁爛然。而遊移上下之見。不設也。沉奧屈曲之句。險怪奇澀之文。則點讀分明。鈎黠截然而聳牙。澀訥之苦不形也。

迨夫字畫較毫釐。音聲辨纖悉。務絕譌以襲譌。謬以承謬之弊。而魯魚亥豕之誤。杖杜伏獵之差。殆可免矣。至若覩此而失彼。記乙而忘甲。則注不勝注。解不勝解。失注則遺。複解仍晦。乃立見前見後法。如呼醉使醒。警夢使覺。則全部神理。首尾貫穿。不猶全體血脈。上下流通也哉。予乃今而知讀史之法。其在是乎。予因之有感矣。向有志讀史。而未能一卒讀。及欲求一讀史之法。而不可得。得與二子共相編輯。以迄成書。縱不能博羣書以悉其所聞。歷名山大川以窮其所見。以視予前日之耳無聞而目無見者。大有逕庭。然後知觀史之不欲。論史之不明者。非盡天資遲鈍。庸師誤人。亦由編輯成書者。引導無方而致然也。二子屬予鏤版行之世。予曰。是書未可遽以問世也。姑以私便檢閱。自備遺忘。藏之家塾。以課弟子已耳。適予友朱子聖懷。亦寄予明紀鈔略一編。遂續輯而并付之梓。再閱歲工始竣。二子復謂予曰。若得大人先生序引。則是書可行。且能及遠。予謂既無卓絕千古之識。論定百代之興亡。復鮮著作辨論之才。品隲人事之得失。而徒沾沾於句櫛字比。審音訓義之末。是殆兔園學究之所爲。行且不能。何望及遠。顏曰。易知錄。同予之拙者。幾人。鮮不病予之簡。而笑予之陋也。

康熙五十年秋七月十五日。山陰吳乘權楚材題於尺木堂。

例言

一 本書上自盤古。下迄明末。其編纂一本清代山陰吳楚材所定。未敢增損。

一 立國必有國本。而歷史卽爲國本所繫。數典忘祖。最爲大忌。然史事浩繁。汗牛充棟。勢難盡讀。因取易知錄一書而刊行之。凡歷朝之大經大法。政治軍事。無不畢備。苟能默識於心。則數千年史事。瞭如指掌矣。

一 本書共分十卷。凡一事首尾之前後相隔甚遠者。皆一一於文中註明。如見本書卷幾。或見上卷幾。或見下卷幾。使閱者易於翻擷。而又無昧後遺前之失。

一 本書仍清代吳氏之舊。故至明末爲止。卽文中詞句。亦一仍舊貫。如稱清爲我大清等是。蓋卽仿吳氏之於綱目續編也。而清代二百餘年史事。今正特聘專家。編纂清史易知錄一書。爲本書之續。起自清世祖順治元年。下至宣統三年。現已付印。不日卽可問世。爲本書之續編。

一 清代山陰吳氏編纂本書。原有發凡八則。其所以說明者。至詳且盡。本編旣一

仍舊貫。當然悉依其舊。故亦附錄卷首。而於發凡中已有說明者。例言中卽不再贅。以免重複。且避掠美。

一 本書特請專家校勘。經半載之久。始克蒇事。且詳對原本。務使一字無誤。然校書如掃落葉。仍難免有誤植或脫落之處。務希高明時加指示。俾於再版時改正。

中華民國二十五年一月 日編輯部誌

發凡

通鑑刪煩

通鑑固須全讀。但人之姿性。高下懸絕。卷帙太煩。豈能一概記誦。勢不得不刪。然信手刪去。盡失頭緒。如何看得明白。茲則細加斟酌。事之源委。人之始末。起伏照應。明若觀火。

綱目全列

目之有綱。猶傳之有經也。使有目而無綱。則目於何處著落。而其閒之褒貶予奪。亦茫無所據矣。茲則有有綱而無目。未有有目而無綱者。如人著眉。如龍點眼。褒貶予奪。乃有定論。

創立紀編

綱目正編。自威烈迄五季續編。自兩宋迄有元。茲則上起三皇。下終明代。則威烈以前。有元以後。綱目豈敢自立。然金氏有前編尊之爲綱。而目則變而云紀。谷氏有紀事仍

之爲紀。而綱則變而云編。不敢自立綱目之名。亦以不失綱目之意云爾。

複出則見

是編中凡遇相同之處。隔遠者。則云見幾卷第幾。在上下卷者。則云見上卷第幾。下卷第幾。在本卷者。則云見本卷上。或見下幾。在一二張內者。則但云見本卷上。見本卷下。不煩注解。而無味後遺前之失。更覺通體精神。

典故詳明

典故或本經傳。或出子史。空疎者全未講究。卽素號博雅之儒。亦不過識其大概而已。或未必能確然指爲某經某傳某子某史者。不甚分曉。便不親切。茲則必指出爲某經傳某子史。且必指出爲某經傳子史之某篇某章。自覺有味乎其言。

輿圖直指

讀史經濟。全在輿地。輿地不明。雖熟讀全史。猶如說夢。然但注爲郡名縣名。及地名山名水名者。與不注同。卽或指出爲某郡某縣。而但爲前代之郡縣名。亦與不注同也。茲則郡名直曰今某省某府。縣名直曰今某省某府某縣。山水地名直曰在某省某府某

縣。則國都之建立。形勢之強弱。戰爭之進退。使命之往來。如指諸掌。如運諸目。輿圖既熟。經濟自生。

別加圈點

讀史與讀他書不同。務在分涇渭。別嫌微。茲則遇綱。與編之是而得者。用白圈。非而失者。用黑點。則人之賢奸。事之美惡。言之曲直。意之誠僞。燦若碁置矣。若分注中。僅用單圈分句。以歸簡易。

辨別音聲

一字有數音。一音有一義。如睢陽之睢。讀雖。恣睢之睢。讀誨。乘桴之桴。讀孚。桴鼓之桴。讀浮。之類是也。一音有數聲。一聲有一義。如名譽之譽。讀豫。稱譽之譽。讀餘。長短之長。讀場。長餘之長。讀仗。之類是也。蒙師教學。信口讀去。自誤誤人。流毒不淺。茲于本字之下。詳加音注。於初學亦不無小補云。

先儒姓氏

西漢

龍門司馬氏 名遷字子長龍門人父談為太史遷繼父業作史記

洛陽賈氏 名誼洛陽人著有過秦論治安策

廣川董氏 名仲舒廣川人著有賢良三策

彭城劉氏 名向字子政本名更生著洪範五行列女傳新序說苑

東漢

茂陵班氏 名彪字叔皮茂陵人著王命論及賦論奏事凡九篇○彪子固字孟堅著西漢書及兩都賦

扶風曹氏 姓班名昭字惠姬彪之女適曹世叔早寡號曹大家兄固著漢書未成而卒詔昭踵成之

平陵賈氏 名逵字景伯平陵人注史記及著經傳義并論離百餘萬言

長陵馬氏 名融字季長茂陵人校正史記譌謬

南陽劉氏 名珍字秋孫南陽人作建武以來名臣傳

琅邪伏氏 名儼字景弘琅邪人著前漢書糾繆

北海鄭氏 名玄字康成北海高密人注史記

滎陽服氏 名虔字子慎滎陽人注前漢書

潁川荀氏 名悅字仲豫潁川潁陰人淑之孫刪漢書為帝紀三十卷

汝南應氏 名劭字仲瑗汝南人著漢官儀及風俗通行於世

南陽文氏 名穎字叔良南陽人注前漢書一百三十二卷

三國

巴蜀譙氏 名周字允南巴西人著古史

陳留蘇氏 名林字孝友陳留人注前漢書一百三十卷

東海王氏 名肅字子雍東海人著史記及諸經傳注

安平孟氏 名康字公休安平人著前漢書行於世

馮翊如氏 名淳馮翊人著前漢書行於世

雲陽韋氏 名昭字洪嗣鹽陽人撰吳書

餘姚虞氏 名翻字仲翔餘姚人著史記國語訓詁傳於世

中山張氏 名晏字子傳中山人著西漢書音釋四十卷

西晉

高唐華氏 名橋字叔駿高唐人表之子自作漢紀三十卷

巴蜀陳氏 名壽字承祚巴西安漢人撰三國志六十五篇

河南晉氏 名灼字子盛河南人著前漢書音釋四十卷

高平劉氏 名寶字道真高平人著歷代史書考異行於世

泥陽傅氏 名玄字體奔本靈州人徙居泥陽撰魏書

東晉

河東郭氏 名璞字景純河東人博學高才注爾雅及西漢司馬相如傳

陽夏袁氏 名宏字彥治陽夏人著三國志及東征等賦

陳郡王氏 名隱銓之子陳郡人撰晉史九十餘卷

餘姚虞氏 名豫字叔甯餘姚人著西漢書四十餘卷

太原孫氏 名盛字安國太原人博學善言著魏武春秋三十卷及晉春秋十餘卷

襄陽習氏 名鑿齒字彥威襄陽人博學洽聞著漢晉春秋五十四卷

陳留蔡氏 名謨字道明陳留考城人著前漢書百餘卷

嘉興干氏 名寶字令升新蔡人徙嘉興著晉紀三十卷春秋左氏外傳注

丹陽薛氏 名瑩字文潔丹陽人撰後漢東觀記百餘卷

陽夏袁氏 名崧字道高陽夏人撰後漢書一百卷

東莞徐氏 名廣字野民東莞人撰史記音義十三卷修晉紀四十一卷

南北朝

順陽范氏 名曄字蔚宗順陽人刪後漢書成一家之作

河東裴氏 名松之字世期聞喜人注三國志二十卷○松之子駟字龍駒注史記四十卷

會稽謝氏

名靈運會稽人玄之孫家於上虞撰晉書三十五卷

武康沈氏

名約字休文武康人博極羣書善屬文著晉宋齊書

平原劉氏

名昭字宣卿平原人注後漢書一百八十卷

吳郡顧氏

名野王字希馮吳郡人著陳書三卷及輿地志國史記傳

清河崔氏

名浩字伯淵清河人博極羣書敘成國書三十卷及校正晉書五十餘卷

鉅鹿魏氏

名收字伯啓鉅鹿人纂修國史及魏史

隋

曲陽魏氏

名濬字彥深下曲陽人留濟別成魏史矯魏收之失極為簡要

博陵李氏

名德林字公輔博陵人撰北齊書三十卷四卷○德林子百藥踵作全編五十卷

唐

鉅鹿魏氏

名徵字玄成鉅鹿人撰隋書本紀列傳

洛陽長孫氏

名無忌字輔機洛陽人博涉書史撰隋書志行於世

宜州令狐氏

名德芬宜州人隋末葉官名唐與李延壽皆以史學名當世撰後周書

魏郡李氏

名延壽字延齡相州人撰南北史一百八十卷及唐太宗政典

章懷太子

名賢字明允高宗子招集名儒張大安等共注范曄後漢書

琅邪顏氏

名籀字師古琅邪臨沂人顏子三十七世孫注西漢書

龍門王氏

名劼字君懋勃之弟撰隋書八十卷

彭城劉氏

名知幾字子元彭城人博覽羣書修國史著史通內外四十九篇

浚儀吳氏

名兢字州浚儀人纂修國史事多核實世人比之董狐又撰貞觀政要及大唐春秋

河內司馬氏

名貞字子正河內人撰史記索隱及補三皇紀自號小司馬以別之

京兆杜氏

名佑字君卿京兆萬年人撰通典

昌黎韓氏

名愈字退之南陽人爲文粹然一出於正學者仰之如泰山北斗修順宗憲宗實錄

贊皇李氏

名德裕字文饒贊皇人古甫之子注前後漢書行世

五代

歸義劉氏

名煦字日輝涿州歸義人撰舊唐史通鑑等書

宋

肥鄉李氏

名沆字太初肥鄉人著五代史註疏三十卷

河南富氏

名弼字彥國河南人篤學有大度著唐鑑纂疏

晉城劉氏

名義叟晉城人修唐史律歷天文五行志著十二代史劉氏輯歷春秋災異諸書

陽翟孫氏

名甫字之翰陽翟人著唐史記二十五卷

廬陵歐陽氏

名修字永叔廬陵人文章名冠天下諡文忠提唐書五代史

溫陵曾氏

名公亮晉江人爲宰相神道朝政諡宣靖與歐陽修宋祁同修新唐書

雍邱宋氏

名祁字子京雍邱人庠之弟與兄同時舉進士與歐陽修曾公亮同修新唐書

奉符石氏

名介字守道奉符人師事孫復固窮力學著唐書糾纒

浦城章氏

名衡字子平浦城人嘉佑初進士第一神宗朝進編年通載十卷

永康徐氏

名元黨字中立永康人著五代史集注

濂溪周氏

名敦頤字茂叔道州營道人博覽羣書著太極圖及通書行於世學者稱爲濂溪先生

新喻孔氏

名武仲字常父新喻人著唐書集注二百三十卷

河南程氏

名顥字伯淳世稱明道先生諡純公封河南伯顯弟頤字正叔世稱伊川先生諡正公封伊陽伯

龜山楊氏

名時字中立將樂人潛心經史號龜山先生諡文簡

眉山蘇氏

名洵字源明號老泉眉山山人二十歲始發憤爲學文名擅天下

東坡蘇氏

名賦字子瞻號東坡洵長子博通經史爲文渾灑光芒雄視百世著唐書辨疑及文集行於世

穎濱蘇氏

名轍字子由號穎濱洵次子爲文汪洋灑泊而有秀傑之氣著古史五十餘卷

淮海秦氏

名觀字少游高郵人長於議論文麗而思深著淮海閒居集及議論兩漢書

淮陰張氏

名來字文潛淮陰人十二歲能文弱冠登進士著兩漢決疑八十餘卷

涑水司馬氏

名光字君實平陽夏縣人累官端明殿學士封溫國公諡文正修資治通鑑別爲目錄三十卷

道源劉氏

名媒京兆人皇祐初舉進士與司馬溫公同修通鑑又編通鑑全紀及外紀

華陽范氏

名祖禹字淳父華陽人鎮從孫舉進士甲科與溫公同修通鑑又修唐鑑十一卷仁宗政典六卷

清江三劉氏

劉敞字賈父清江人學問淵博爲文尤瞻敏著兩漢刊誤○劉攽字原父敞之弟博極羣書與兄並登進士同著兩漢刊誤○劉奉字仲父馮之子累官端明殿學士同父叔著兩漢刊誤

南豐二曾氏

曾鞏字子固南豐人文章與歐陽修齊名世稱南豐先生著兩漢議論行世○曾肇字子開鞏之弟揚龜山稱其立朝端嚴有大臣體與兄同著兩漢議論

眉山史氏

名熒字子熙眉山父清卿蘇軾兄弟師事之熒博學能文作通鑑音釋三十卷

武夷胡氏

名安國字康侯崇安人累官至給事中諡文定著春秋傳及修成通鑑舉要補遺二書

致堂胡氏

名寅字明仲安國長子從楊時學世稱致堂先生著讀史管見數千萬言

五峯胡氏

名宏字仁仲安國季子幼事楊時侯仲良而卒傳父學以蔭補承務郎不調著皇王大紀八十卷

籍溪胡氏

名憲字原仲安國從子晚年召為秘書正字朱熹師事最久世稱籍溪先生著兩漢書辨正等書

屏山劉氏

名子翬字彥中崇安人給次子痛父死廬墓三年朱熹常與之遊號屏山先生

白水劉氏

名勉之字致中崇安人鄉舉詣太學師事譙定楊時號白水先生朱松卒屬以後事令子熹受學妻以女

晦庵朱氏

名熹字元晦婺源人松之子累官煥章閣待制侍講注四書易詩等書及著通鑑綱目

象山陸氏

名九淵字子靜金谿人登進士第與朱氏遊講道於鉛山鵝湖世稱象山先生著文皇行世

南軒張氏

名栻字正夫成都綿竹人浚長子穎悟夙成以古聖賢自期孝宗召為吏部侍郎學者稱南軒先生

河南呂氏

名本中字居仁其先河南人徙居壽州好問之子著宋論四十卷及春秋解等書

東萊呂氏

名祖謙字伯恭壽州人蒙正之後倡道於婺得中原文獻之傳著左氏博議及諸史詳節大事記等書

了翁陳氏

名權字彥中沙縣人登進士第號了翁著兩漢議論八十卷及尊彙集二十卷

少微江氏

名贊崇安人養高林泉天子使人三聘之著通鑑節要二十卷自周威烈至五代行世

莆陽黃氏

名公度莆田人紹興初舉進士第一工詩能文著漢書鑄誤及知家集等書

金華唐氏

名仲友字輔仁金華人講析經史號說齋著皇極經世圖譜及兩漢精義等書

丹稜李氏

名叢字仁甫丹陵人博極羣書以名節學術知名海內作續資治通鑑長編川力四十年乃成諡文簡

侯官林氏

名之奇字少穎侯官人號拙齋呂祖謙嘗師之著書經全簡等書卒祠於學

止齋陳氏

名傅良字君舉瑞安人累官至寶謨閣待制稱止齋先生著左氏章旨及兩漢博議等書

永嘉陳氏

名謙字益之永嘉人累官寶謨閣侍制著兩漢精義及春秋解等書

默齋游氏

名九言字訥夫建陽人年十二即篤文訊切素樸受學於張南軒累官知光化軍著有漢唐精義

李雅陳氏

字季雅著漢唐論斷行於世

朱氏

名黼著秦漢論斷行於世

遂昌尹氏

名起莘遂昌人穩居不仕學問該洽著通鑑綱目發明五十九卷行於世

永新劉氏

名友益永新人宋亡卜築萬山間杜門讀書不與世接著通鑑綱目書法五十卷

龍州李氏

名舜臣字子思井研人八歲能屬文乾道初舉進士遂於易學著管書辨證等書行於世

平庵項氏 名安世字平父括言人淳熙初舉進士自號平庵著易玩辭及兩漢表行於世

西山蔡氏 名元定字季通建陽人生而穎異師事朱熹學者稱西山先生

南宮靖氏 著小學史斷行於世

廬陵羅氏 名泌字長源廬陵人學問該博著路史行於世

雙湖胡氏 名一桂字芳葵源人年十八領鄉薦試禮部不第退而講學遠近師之著十七史纂

西山真氏 名德秀字景元浦城人四歲受書過目成誦累官參知政事號西山先生著大學衍義唐書考疑等書

慈谿黃氏 名震字伯啓慈溪人淳祐中登進士爲人清介自守獨宗朱氏學著有日鈔行於世

勿軒熊氏 名禾字去非建陽人理宗朝爲甯武州司戶參軍入元不仕著通鑑疑難等書

廬陵文氏 名天祥字宋瑞廬陵人舉進士第一宋亡死節明朝追諡忠烈著兩漢博義

疊山謝氏 名枋得字君直戈陽人爲文高古卓邁世稱疊山先生累官至侍郎宋亡遁入建陽尋被執經食而卒

仁山金氏 名履祥蘭谿人少有經世志以足館編修召未及用而宋亡遂隱居著通鑑前編等書

元

定宇陳氏 名櫟字茂叔休甯人性剛正孝友延祐初舉鄉試不復起禮部教授於家數十年著漢唐撮要行世

圭齋歐陽氏 名玄瀏陽人八歲能屬文章道德卓然名世卒追封楚國公著唐書纂要及圭齋文集

平定李氏 名思成字德甫平定人泰定初舉進士總裁宋遠金三史著兩漢這紀卒諡忠肅

義烏黃氏 名潛義烏人自幼篤學博極羣書累官侍講學士諡文獻著兩漢精義

四明陳氏 名極字子樞明州奉化人博學有史才著通鑑續編等書

祁門汪氏 名克寬祁門人少穎敏力學舉於鄉不第遂隱居教授號環谷先生著春秋纂疏綱目考異

慈湖王氏 名幼學望江人篤志力學讀朱子綱目苦其援引幽邃句讀疑難乃博采百家著綱目集覽

上虞徐氏 名昭文上虞人著綱目考證

明

青田劉氏 名基字伯溫青田人元進士棄官隱居明太祖召用之封誠意伯著郁離子覆瓿集等書

潛溪宋氏 名濂字景濂婺州人郡守王宗頤開郡學延濂爲五經師累官至學士與王禕同修元史

金華王氏 名禕金華人朱文忠守金華薦禕召用之獻平江西頌與宋濂同修元史二百十卷

正學方氏 名季孺字希古累官學士永樂初抗節不屈遂遇害著遜齋文集及史評行於世

山陰胡氏 名粹中山陰人博通經史尤長於春秋累官至提學著元史續編行於世

臨江張氏 名九韶字美和臨江人元時累舉不第明初聘為清江教諭累官至翰林編修著元史續編

石門梁氏 名寅字孟敬新喻人通五經元末累舉不第明初召至京議禮以年老告歸著宋元史略

永新劉氏 名定之字玉淨永新人登正統中進士累官至禮部侍郎諡文安著宋元論行世

毗廬劉氏 名濟武進人永樂初以布衣召修永樂大典為總裁書成授右贊善補元史舉要通鑑綱目集覽正誤

瓊山邱氏 名濟字仲深瓊山人登景泰中進士博極羣書一覽不遺累官禮部侍郎著太學衍義補及世史等書

建安馮氏 名智舒建安人著綱目實實

鄱陽王氏 名逢鄱陽人博學洽聞正統間舉經明行修不就退居教授世稱松塢先生著通鑑節要

仁齋劉氏 名刻字用章建陽人家貧力學不仕進纂脩少微宋元二鑑行世

雪航趙氏 名弼字輔之南平人教授鄉邑從遊甚眾著雪航膚見等書行世

素庵商氏 名格號素庵淳安人聯捷三元累官吏部尚書兼文淵閣大學士修儒臣續編宋元綱目

守溪王氏 名鑿字濟之吳縣人登進士累官大學士諡文恪著宋論及震澤文集

虛齋蔡氏 名清字介夫晉江人鄉試第一累官祭酒經明操潔為理學名臣著綱目垂筆及四書易經蒙引行世

建陽劉氏 名弘毅建陽人著綱目實實

靜軒周氏 名禮字德恭餘杭人著通鑑外紀論斷朱子綱目折衷及續綱目發明

雲閒張氏 名時泰雲間人著續綱目廣義

常熟丁氏 名奉常熱人號南湖登進士著通鑑節要論斷行於世

陽明王氏 名守仁餘姚人登進士封新建伯為學以致良知為本學者宗之稱陽明先生著文集行世

篁墩程氏 名敏政字克勤休甯人登進士官翰林學士著篁墩文集行世

臨海王氏 名宗沐字昭甫臨海人累官至工部侍郎修宋元續資通治鑑

迴瀾顧氏 名允上虞人登鄉薦博學羣書著歷朝捷錄行世

荆川唐氏 名順之字無德武進人會試第一累官都御史為金陵文學之祖著文集行世

一峯羅氏 名倫字學正江西永豐人殿試第一劾大學士李賢起復被謫辭官隱居金牛洞為理學名臣著有文集

西涯李氏 名東陽字濱之湖廣茶陵人官至大學士諡文正著有文集

紫峯陳氏 名琛字思獻晉江人登進士官至江西提學僉事著四書淺說及紫峯文集行世

理齋諸氏 名變餘姚人登進士官刑部主事著文集通鑑會纂行世

敬齋薛氏 名瑄河東人登進士累官至禮部侍郎為理學名臣著讀書記

琅邪王氏 名世貞字元美太倉人登進士薈弁山別集行世

月峯孫氏 名鏞餘姚人登進士官尚書自五經四子及秦漢以下諸書皆有評點卷屏業編行世

了凡袁氏 名黃浙江嘉善善甫田人登進士累官兵部主事博極羣書著史漢定本及四書五經疏意綱鑑補行世

安平黃氏 名汝良號毅庵晉江人登進士官侍郎纂修國史

小野倪氏 名宗正餘姚人登進士官翰林贈學士謚文忠著基說小野集行世

考古趙氏 名謙餘姚人博學好古被辟為教授著有聲音文字通一百卷歷代譜系辨略二十六卷

清源楊氏 名道賢號荊岩晉江人登進士官侍郎纂修國史

明卿陳氏 名仁錫長洲人登進士官翰林謚文莊著四書備考潛確類書世法錄經濟編及評閱通鑑綱目行世

會稽陶氏 名望齡號石簣會稽人萬曆己丑會元著歇庵文集

宣城湯氏 名賓尹號菴林萬曆乙未會元著睡庵文集

溫陵李氏 名廷機字爾張晉江人萬曆庚午解元癸未會元榜眼官至大學士著四書日義

福清葉氏 名向高字進川號臺山福清人萬曆癸未會魁官至大學士著蒼霞草文集

鴻寶倪氏 名王露上虞人登進士官尚書疏毀三朝要典海內傳誦為快論崇禎末死難謚文正

戢山劉氏 名宗周山陰人登進士官左都御史為學本主敦誠意舉議人相會以開來繼往為已任著四子書語錄

新安倪氏 名士毅字仲弘號道川休甯人纂四書輯釋大中或問歷代帝王說等書行世